

Sananl. 3:3-8 / Sátnelaskkut 3:3-8

3 Ale divtte buorre vuoda

ja oskkáldasvuoda gáidat luhtát – giesa daid iežat čeabehii,  
čále daid váimmot távvalii,

4 de Ipmil ja olbmot

atnet du árvvus

du viissisvuoda dihte.

5 Dorvvas Hearrái oppa váimmus, alege luohte iežat jierbmái.

6 Jurddaš su gos dal vádjoleaččat, de son dahká du bálgáid njuolgadin.

7 Ale leage jierbmái iežat čalmmiin; bala Hearrás ja gáidda bahás.

8 Dat šaddá dearvvasvuhtan

du rupmašii, fápmun buot dan dávttiide.

Hepr/ Girji hebrealaččaide

4:14-16

14 Go mis nappo lea stuorra bajimusbáhppa guhte lea mannan almmiid čađa, Jesus Ipmila Bárdni, de bissot nannosit dán dovddastusas. 15 Ii mis leat dakkár bajimusbáhppa guhte ii máhte árkkálmastit min min headjuvuodas, danin go son lea geahččaluvvon seammá láhkái go miige, dattetge almmá suttu haga. 16 Loaiddastehkot dan dihte roahkkadit árpmu truvnu ovdii, vai oažžut váibmoládisvuoda ja árpmu dan bottus go dan dárbbášit.

Joh./ Johanneses evangelium

21:15-17

15 Go sii ledje boradan, de Jesus celkkii Simon Peterii: “Simon, Johanneses bárdni, ráhkistatgo don mu eambo go dát earát?” “De ráhkistan, Hearrá”, Peter vástidii, “don dieđát ahte leat munnje ráhkis.” Jesus celkkii sutnje: “Biepma mu lábbáid.” 16 De son jearai sus nuppá dassii: “Simon, Johanneses bárdni, ráhkistatgo don mu?” “De ráhkistan, Hearrá”, Peter vástidii, “don dieđát ahte leat munnje ráhkis.” Jesus celkkii: “Geahča mu sávzzaid.” 17 Vel goalmát geardde Jesus jearai: “Simon, Johanneses bárdni, leango mun dutnje ráhkis?” Peter šlundui go Jesus goalmát geardde jearai sus: “Leango mun dutnje ráhkis?”, ja son vástidii: “Hearrá, don dieđát buot; don dieđát ahte leat munnje ráhkis.” Jesus celkkii: “Biepma mu sávzzaid.